


依耽嗜受

相對於「有愛味受」，所謂「依耽嗜受」的「依耽嗜」是指「外門境界、愛著隨故；名依耽嗜。與此相違，名依出離。」321 相對於「有愛味」是針對自體「內門」而言，「依耽嗜」的對象則是「外門」—即「內門」對所知覺的色聲香味觸法等所感知的對象—產生貪愛執著。與對外在感知對象的貪愛相應而起的「受心所」稱為「樂依耽嗜受」、「苦依耽嗜受」、「不苦不樂依耽嗜受」。

於隨順喜眼所識色等者：此中意說依耽嗜喜，依耽嗜憂，依耽嗜捨，名喜憂捨。云何依耽嗜喜？謂於眼所識色，可喜、可樂、可意、可愛，能引起欲，深可染著，或由得現所得，或由隨念先時所得，而生於喜，如是相喜，名依耽嗜喜。云何依耽嗜憂？謂於眼所識色，可喜、可樂，乃至可染，或由不得現所得，或由隨念先時所得，若已過去，若盡、若滅、若離、若變，而生於憂，如是相憂，名依耽嗜憂。云何依耽嗜捨？謂愚癡、無智、無聞異生，於眼所識色，顧戀於捨，執著諸業，趣向於色、依止於色、不捨於色、不超過色，於此中捨，是名依耽嗜捨。此如顯揚論說。(顯揚論五卷十頁)。佛聖弟子，於此依耽嗜喜心生厭離，是故說言不住於愛。於此依耽嗜憂心生厭離，是故說言不住於恚。於此依耽嗜捨心生厭離，是故說言數數思擇，安住於捨。此安住捨，謂出離捨應知。



變吐

《分別緣起初勝法門經》二十頁云：復言：世尊！云何變吐？世尊告曰：諸修所斷煩惱斷故。

瑜伽八十三卷二十三頁云：永變吐者：隨眠斷故。

循身觀

即四念處觀中之身念處觀。修此觀法時，觀察身體，由頭至足，次第巡歷，觀三十六物皆不潔淨，故稱循身觀。據大日經疏卷三載，修循身觀時，見此身為三十六物所集成，具有五種不淨，充滿惡露，故能不生貪愛。三十六物指髮、毛、齒、淚、皮、血、肉、五臟、痰等。五種不淨即指種子、住處、自體、外相、究竟等

薩迦耶斷除邪願

謂修慈定，依法緣慈，不見實有自他差別，故於自他無有希願，是名於薩迦耶斷除邪願。

三心

1·觀無量壽經說：「一者至誠心，二者深心，三者迴向發願心。具三心者，必生彼國。」

2·一、淳心，即信心深厚；二、一心，即信心純一；三、相續心，即信心相續不雜餘念。

3·由歡喜地至法雲地之十地中，每一地都分為入住出三位，叫做三心，入心是初入其地的時分，住心是住於其地的時分，出心是將出其地以便進入於後一地的時分。

安住居家諸欲依持斷滅及棄出中者

謂居家者略有七攝受事：一、自父母事，二、妻子事，三、奴婢僕使事，四、朋友官僚兄弟眷屬事，五、田宅邸肆事，六、福業事及方便作業事，七、庫藏事。如意地說(陵本二卷十七頁)。既出家已，不顧如是諸欲依持，是名安住斷滅及棄出中。

於此所緣無欲尋纏等者

攝事分說八種尋思：謂欲尋思、恚尋思、害尋思、親里尋思、國土尋思、不死尋思、輕懷相應尋思、家勢相應尋思(陵本八十九卷九頁)。今彼一切皆不現行，故於文中說乃至言。

方便

瑜伽三十八卷二十二頁云：云何菩薩方便所攝身語意業？當知略說菩薩所有四種攝事，是名方便。如世尊言：菩薩成就四種攝事所攝方便，方名菩薩。復何因緣，惟四攝事，說名方便？謂諸菩薩，略由如是攝事所攝四種方便；於諸有情，普能攝受調伏成熟。除此、無有若過若增。

二解 此大菩提五相之一。瑜伽七十四卷十一頁云：云何加行？謂若略說，有四種化，說名加行。一、未成熟有情，令成熟故；作菩薩行化。二、已成熟有情，令解脫故；於三千大千世界百拘胝瞻部洲中，同於一時，方便攝受如來之化。三、即為彼所化有情，作聲聞化。四、即為彼所化有情，作獨覺化。當知一切諸佛世尊、於此四種變化事中，遍十方界，功能無礙。此中加行，即方便之異名。

